



**س تاييري ن ولي موتنين "فروكتووسو"، لسقف، "اوکوريو" د "ايلوغيو"
اكرامن اللي موتنين غ تاركونة أس ن 21 يناير غ دو لحكومة ن لمبراطور
"فاليريانو" د "كاليانو".**

1. غ دو لحكومة ن أميليانو د باسو، تيمازن أس ن لحد 16 يناير لسقف
فروكتووسو د اكرامن: اوکوريو د اولوخييو. ليغ لان غ تدارت نسن كشمن
فلاسن ايمغورن ن لعسكر: اوريولييو د فستوسي د ايليو د بولينسيو د ماكسيمو
د دوناتو. اسفلد فروكتووسو ايووال نسن انكر افاغد اتن ازر بلا ايقن ايدوكان
نس.

نان أس ايسكراي:
- اراك لحاكم كيبن د امدوكان نك، اقاندا اتدوت
انا أسن:
- واخا ولكن بلاتيات اد قنغ ايدوكان انو
- سكر ما تربيت!

ليغ لکمن دار لحاکم، ايلين غ لحيبس. فروكتووسو اسن ما راد يلي، ار اترالا.
ايدوكان نسن اراس اکان امتشو د امان، ايرين اد فلسن اعقل غ تزلبيت نس.

2. أس وي سين ازلول ف کما تنغ روکاسيانو. زرین سضييس اوسان سول لان
غ لحيبس. أس ن جمعة 21 يناير رزمن أسن ساولن غ تامان لحاکم اللي انا:
- ريغ اد ساولغ س- فروكتووسو، من بعد س- اوغوريو من بعد س- اولوخييو

رارناسد:

- واخا!

إساول الحاكم:

- تسنت ماد ران إمبراطورين ن رومان؟

-أور سنغ ماد ران، نكي كيغ أمسيحي!

- ران أد تزلات إ واكوشن (آلهة) نسن

- نكي أر تزلاغ إربي نو اللي إكان يان، إخلق إكنا د وكال د ما إلان غ

جراتسن!

إساول إميليانو:

- أور تسنت إس لان واكوشن ياضنين؟

- أور سنغ!

- إميك، إقاند أد تسنت كلو

إنكر فروكتووسو أر إتزالا إربي نس، إنا أس لحاكم:

- ربي نك تزلت فلاس ياك؟ تسالوت سيس، تفهمت نتا! وين إمبراطورين

اورك عجيبين؟

إساول لحاكم س أوغوريو:

- أور تسكرت مكاد إسكر فروكتووسو، أدجيت!

إرارد أوغوريو:

- نكي أر تزلاغ إربي اللي إكان يان

إسقسا لحاكم إميليو:

- كيي! أر تزلت إ فروكتووسو؟

- نكي أورا تزلاغ إ فروكتووسو، ولكن أر تزلاغ إربي ن فروكتووسو.

لحاكم إساقسا فروكتووسو:

- كيي أد إكان لسقف؟

- واه، نكي أد إكان لسقف!

إنا أس لحاكم:

-غ زمان اد تكييت لسقف، أساد أهو

إحكم لحاكم أد جدرن س تمسي أرد موتن.

3. ليغ إذا فروكتووسو س أدغار الموت سوتلن أس مدن اللي ت رانين إمدوكال نس د مدن كولو اللي يسقورن أر سغويون. أر زران مدن غ أودم نس تفاوت نلسقف اللي مو إتفكا اول إتوقداسن(الروح المقدسة) س تغاراست ن أمغار " بولس ". حتى إعسكرياي فرحن أشكو سن أدغار اللي س إذا فروكتووسو. يان غ إمدوكال نس إنا أس أد إسو إميك ن أمان ولكن فروكتووسو إنا أس:

- سول! ثسول تزي ن أزوم ورا د سوغ أمان

غ ساعة تس مراوت نغ تس يان د مراوت ن تصبحييت، إرا أد إدو س لجنت اللي سرس إقلن، أس ن لربعاء اللي إزرين إكاتين يزوم، أس ن الجمعة إفرح أشكو إقل سرس أس مقورن غ دار ربي نتا د إكرامن كولو د إلقاسن نربي. اللي غ لكمن أدغار ن لموت، إذا س تاما نس يان أوركاز اسم نس "اوغوستال" أر يالا إضالب أس أد أس إكيس صبّاط نس ولكن فروكتووسو إنا أس:

- أدج ثنت آ يوي، أد تننت كيسغ نكي س إخف إنو

ليغ إكس سباط نس إدو دارس يان اعسكريي إسم نس "فيليكس" يامز أفوس نس إضالب أس أد إك غ إخف نس أر سيس إسوينكم.

إنا ياس فروكتووسو يال نيت أوال نّس:

- إقاند أد أسينغ غ أوكنس إنو لكنيسة ن لكاتوليك ن دونيت كولو.

4. إبيد فروكتووسو غ تاما ن إمي ن ادغار لموت، إميك أد إلان غ كراس د لموت، إساول، إكفا يس ربي لعقل د لحكمة، إنا إمدن:

- سنات أتروا إنو، درون ألقاس غ تودرت نون كلوت، أو راكن تفاع رحمة ن ربي أسا د أزكا. ماد اللي تزرات إكا غير وين أساز يومرت ربي. إزري غ تودرت حتى ن ويلي زرنين أمد: زكريا، عنانيا د ميصاليا اللي زرانين روح ن ربي تزي اللينغ لان ف إكي ن تكات زرن ربي د إويس- عيسى. اللي غ تجدر تكات إزكر اللي غكرفن إفاسن نسن، أر إترال ا فروكتووسو زون سيدنا عيسى اللي كمضن س تكات.

5. اللينغ إجرا ما إجران، غلينت المعجزات، رزمن إكنوان. سين إكرامن: "بابلون" د "ميغدونيو" إخدامن ن إميليانو، ملان إ إليس د تمطوط نس ممنك سغلين إكرامن س إكنوان بلا تن تجدر تكات، غمان إكجدان اللينغ تاوكرافن غ واكال. إميليانو أور إضرار أد إزر ما إجران. نان أس مدن:

- أدود أد تزرمت مدن اللي ف تحكمت س لموت، أدود أد تزرمت مامنك س اولين ي إكنا س دار ربي.

6. أيتماس ن فروكتووسو بيدن أور سن ما راد سكرن، إلا كسن اومارك ن أمغار نسن. ننتي سن س لقيمة نس سن إس إكا أكرام مقورن، غ إيض، دّون س أودغار اللي غ إموت أوين شراب باش أد سخسين إمك ن تكات اللي سول إلان غ دات ن ويلي موتنين. كل يان يسي إميك ن إيغض اللي مو إضرار. غ ساعة آن، تباين تفاوت ن ربي اللي إران أد إمل أغاراس إمدن إصّحو ليما ن نسن. إبايند فروكتووسو س إمدوكال نسن إنا أسن أد بنون كلما إخلان س إيغض اللي سمون غ ادغار ن لموت.

7. غ أوسان ان توملان إ إميليانو لرواح ن ويلي موتنين. زين ديس نانس إس
أور إسکر أمیا اللی غتن إنغا. إقاند غیلاد اتن إز إس لکمن ماد اللی ران.

یا ویلی موتنین ف واول ن ربی! زوند أورغ ، اولاون نسن لان غ تاما ن ربی
اللی تن إصوفن. لان تاج نسن مقورن. یا ولی موتنین إلین غ إکنوان! غ أفاسی
ن سیدنا المسیح س البرکة ن ربی، د إویس عیسی، د الروح القدس! آمین.